

Կ Ա Ր Գ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՇԻՐԱԿԻ ՄԱՐԶԻ ԱՇՈՑՔ ՀԱՄԱՅՆՔԻ ԿԱՄԱՎՈՐ ԽՆԴԻՐՆԵՐԻ, ԴՐԱՆՑ ԼՈՒԾՄԱՆՆ ՈՒՂՂՎԱԾ ՍԵՓԱԿԱՆ ԼԻԱԶՈՐՈՒԹՅՈՒՆՆԵՐԻ ԵՎ ԴՐԱՆՑ ԻՐԱԿԱՆԱՑՄԱՆ

1. Հայաստանի Հանրապետության Շիրակի մարզի Աշոցք համայնքի կամավոր խնդիրների, դրանց լուծմանն ուղղված սեփական լիազորությունների և դրանց իրականացման կարգը (այսուհետ՝ կարգ) կարգավորում է Հայաստանի Հանրապետության օրենսդրությամբ Հայաստանի Հանրապետության Շիրակի մարզի Աշոցք համայնքի կամավոր խնդիրները, դրանց լուծմանն ուղղված սեփական լիազորությունները և իրականացման կարգը և այդ նպատակով անհրաժեշտ ֆինանսական միջոցների հատկացման կարգի հետ կապված հարաբերությունները:

2. Ըստ «Տեղական ինքնակառավարման մասին» Հայաստանի Հանրապետության օրենքի Հայաստանի Հանրապետության Շիրակի մարզի Աշոցք համայնքն իրականացնում է «Տեղական ինքնակառավարման մասին» Հայաստանի Հանրապետության օրենքով թվարկված և Հայաստանի Հանրապետության այլ օրենքներով վերապահված կամավոր խնդիրների լուծմանն ուղղված սեփական լիազորությունները:

3. Յուրաքանչյուր տարի կամավոր խնդիրների լուծմանն ուղղված սեփական լիազորությունների իրականացման համար Հայաստանի Հանրապետության Շիրակի մարզի Աշոցք համայնքի ղեկավարին կարող է նախատեսվել և հատկացնել ֆինանսական միջոցներ, որը չի կարող գերազանցել այդ տարվա Հայաստանի Հանրապետության Շիրակի մարզի Աշոցք համայնքի բյուջեով նախատեսված սեփական եկամուտների 10%-ը:

4. Այն դեպքում, երբ Հայաստանի Հանրապետության Շիրակի մարզի Աշոցք համայնքի կամավոր խնդիրների լուծմանն ուղղված սեփական լիազորությունների իրականացման համար պահանջվում է ֆինանսական միջոցների հատկացում՝ Հայաստանի Հանրապետության Շիրակի մարզի Աշոցք համայնքի ղեկավարը դրանք իրականացնում է Հայաստանի Հանրապետության Շիրակի մարզի Աշոցք համայնքի բյուջեով նախատեսված հատկացումներին համապատասխան և դրանց համար անհրաժեշտ ֆինանսական միջոցների հատկացման չափերի մասին Հայաստանի Հանրապետության Շիրակի մարզի Աշոցք համայնքի ավագանու որոշումների դեպքերում:

5. Այն դեպքում, երբ Հայաստանի Հանրապետության Շիրակի մարզի Աշոցք համայնքի կամավոր խնդիրների լուծմանն ուղղված սեփական լիազորությունների իրականացման համար չի պահանջվում ֆինանսական միջոցների հատկացում՝ Հայաստանի Հանրապետության Շիրակի մարզի Աշոցք համայնքի ղեկավարը դրանք իրականացնում է ինքնուրույն և սեփական պատասխանատվությամբ:

6. Կամավոր խնդիրների լուծմանն ուղղված սեփական լիազորությունների իրականացման համար առաջարկություն կարող են նախաձեռնել Հայաստանի Հանրապետության Շիրակի մարզի Աշոցք համայնքի ղեկավարը, Հայաստանի Հանրապետության Շիրակի մարզի Աշոցք համայնքի ավագանու անդամները, Հայաստանի Հանրապետության Շիրակի մարզի Աշոցք համայնքի բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտներ:

7. Այն դեպքում, երբ Հայաստանի Հանրապետության Շիրակի մարզի Աշոցք համայնքի կամավոր խնդիրների լուծմանն ուղղված սեփական լիազորությունների իրականացումը նախաձեռնում է Հայաստանի Հանրապետության Շիրակի մարզի Աշոցք համայնքի ղեկավարը կամ Հայաստանի Հանրապետության Շիրակի մարզի Աշոցք համայնքի ավագանու անդամը, նախաձեռնողը Հայաստանի Հանրապետության Շիրակի մարզի Աշոցք համայնքի ավագանու քննարկմանն է ներկայացնում կամավոր խնդիրների, դրանց լուծմանն ուղղված սեփական լիազորությունների իրականացման վերաբերյալ առաջարկությունը՝ նշելով օրենսդրությամբ նախատեսված լիազորության տեսակը, դրա համար անհրաժեշտ ֆինանսական միջոցի չափը և անհրաժեշտության հիմնավորումը հավաստող փաստաթղթեր, եթե դրանք առկա են:

8. Այն դեպքում, երբ կամավոր խնդիրների լուծմանն ուղղված սեփական լիազորությունների իրականացումը նախաձեռնում են Հայաստանի Հանրապետության Շիրակի մարզի Աշոցք համայնքի բնակիչները, հասարակական կազմակերպությունները և միավորումները, ինչպես նաև քաղաքացիական հասարակության այլ ինստիտուտները, նախաձեռնողը Հայաստանի Հանրապետության Շիրակի մարզի Աշոցք համայնքի ղեկավարին է ներկայացնում կամավոր խնդիրների, դրանց լուծմանն ուղղված սեփական լիազորությունների իրականացման վերաբերյալ դիմում՝ նշելով օրենսդրությամբ նախատեսված լիազորության տեսակը, դրա համար անհրաժեշտ ֆինանսական միջոցի չափը, անհրաժեշտության հիմնավորումը և դրա պատճառը, անհրաժեշտության հիմնավորումը հավաստող փաստաթղթեր, եթե դրանք առկա են:

9. Հայաստանի Հանրապետության Շիրակի մարզի Աշոցք համայնքի ղեկավարը դիմումը և սույն կարգի 8-րդ կետում նշված անհրաժեշտ փաստաթղթերն ստանալուց հետո՝

1) կամավոր խնդիրների լուծմանն ուղղված սեփական լիազորությունների իրականացմանը համաձայնվելու դեպքում՝ մեկամսյա ժամկետում ճշտում է դրանց արժանահավատությունը, հաշվարկում կամավոր խնդիրների իրականացման համար գումարի մեծությունը և իր կարծիքը, ինչպես նաև կամավոր խնդիրների իրականացման վերաբերյալ նախաձեռնողի ներկայացրած փաստաթղթերը և Հայաստանի Հանրապետության Շիրակի մարզի Աշոցք համայնքի ավագանու որոշման նախագիծը ներկայացնում է Հայաստանի Հանրապետության Շիրակի մարզի Աշոցք համայնքի ավագանու քննարկմանը և այդ մասին տեղեկացնում է նախաձեռնողին:

2) կամավոր խնդիրների լուծմանն ուղղված սեփական լիազորությունների իրականացմանը չհամաձայնելու դեպքում նախաձեռնողին՝ գրավոր տեղեկացնում է այդ մասին՝ նշելով չհամաձայնելու պատճառները, փաստական և իրավական հիմքերը:

10. Եթե կամավոր խնդիրների լուծմանն ուղղված սեփական լիազորությունների իրականացման նախաձեռնողը սույն կարգի 8-րդ կետում նշված փաստաթղթերը

ներկայացնելուց հետո մեկամսյա ժամկետում Հայաստանի Հանրապետության Շիրակի մարզի Աշոցք համայնքի ղեկավարից չի ստանում կամավոր խնդիրների լուծմանն ուղղված սեփական լիազորությունների իրականացմանը չհամաձայնելու մասին գրավոր պատասխան կամ իր փաստաթղթերը Հայաստանի Հանրապետության Շիրակի մարզի Աշոցք համայնքի ավագանուն ուղարկելու վերաբերյալ գրություն կամ եթե նախաձեռնողը համաձայն չէ կամավոր խնդիրների լուծմանն ուղղված սեփական լիազորությունների իրականացմանը Հայաստանի Հանրապետության Շիրակի մարզի Աշոցք համայնքի ղեկավարի չհամաձայնելու մասին հիմնավորումներին, ապա 20-օրյա ժամկետում Հայաստանի Հանրապետության Շիրակի մարզի Աշոցք համայնքի ղեկավարին ներկայացված դիմումի կրկնօրինակը՝ սույն կարգի 8-րդ կետում նշված փաստաթղթերի հետ միասին, իսկ կամավոր խնդիրների լուծմանն ուղղված սեփական լիազորությունների իրականացմանը Հայաստանի Հանրապետության Շիրակի մարզի Աշոցք համայնքի ղեկավարի չհամաձայնելու վերաբերյալ գրավոր պատասխանի առկայության դեպքում՝ այդ պատասխանի վերաբերյալ իր առարկությունները և Հայաստանի Հանրապետության Շիրակի մարզի Աշոցք համայնքի ավագանուն ուղղված դիմումը ներկայացնում է վերջինիս քննարկմանը:

11. Հայաստանի Հանրապետության Շիրակի մարզի Աշոցք համայնքի ավագանին սույն կարգի 8-րդ կամ 10-րդ կետերում նշված անհրաժեշտ փաստաթղթերն ստանալուց, ինչպես նաև իր նախաձեռնությամբ կամավոր խնդիրների լուծմանն ուղղված սեփական լիազորությունների իրականացման դեպքում Հայաստանի Հանրապետության օրենսդրությամբ սահմանված կարգով հարցը քննարկելուց հետո ընդունում է որոշում կամավոր խնդիրների լուծմանն ուղղված սեփական լիազորությունների իրականացման համաձայնություն տալու կամ մերժելու վերաբերյալ:

12. Հայաստանի Հանրապետության Շիրակի մարզի Աշոցք համայնքի ավագանու որոշման մեջ նշվում են՝ կամավոր խնդիրների լուծմանն ուղղված սեփական լիազորությունների իրականացման տեսակը, դրա համար անհրաժեշտ ֆինանսական միջոցի չափը և անհրաժեշտության հիմնավորումը, իսկ կամավոր խնդիրների լուծմանն ուղղված սեփական լիազորությունների իրականացումը մերժելու դեպքում մերժելու պատճառները, փաստական և իրավական հիմքերը:

13. Հայաստանի Հանրապետության Շիրակի մարզի Աշոցք համայնքի ղեկավարը զինծառայողների ընտանիքների սոցիալական պաշտպանվածության բարելավման, զինծառայությունից արձակվածների, պատերազմի վետերանների սոցիալական խնդիրների լուծման, հաշմանդամների, կերակրողին կորցրած ընտանիքների, սոցիալապես անապահով այլ խավերի սոցիալական պայմանների բարելավման վերաբերյալ դիմումները քննարկելու նպատակով՝ իր որոշմամբ հասարակական հիմունքներով կազմում է մշտական գործող հանձնաժողով, որի կազմում ընդգրկվում են՝ Հայաստանի Հանրապետության Շիրակի մարզի Աշոցք համայնքի ավագանու անդամները, հասարակական կազմակերպությունների և միավորումների ներկայացուցիչները, Հայաստանի Հանրապետության Շիրակի մարզի Աշոցքի համայնքապետարանի աշխատակազմի աշխատակիցները, ինչպես նաև Հայաստանի Հանրապետության Շիրակի մարզի Աշոցք համայնքի բնակիչները և այլ շահագրգիռ անձինք, եթե նրանք այդ մասին նախապես տվել են իրենց համաձայնությունը:

14. Հայաստանի Հանրապետության օրենսդրությամբ Հայաստանի Հանրապետության Շիրակի մարզի Աշոցք համայնքին վերապահված այլ կամավոր խնդիրների լուծմանն ուղղված սեփական լիազորությունների իրականացման համար Հայաստանի

Հանրապետության Շիրակի մարզի Աշոցք համայնքի ղեկավարը կարող է կազմել մշտական կամ ժամանակավոր հանձնաժողովներ:

15. Զինծառայողների ընտանիքների սոցիալական պաշտպանվածության բարելավման, զինծառայությունից արձակվածների, պատերազմի վետերանների սոցիալական խնդիրների լուծման, հաշմանդամների, կերակրողին կորցրած ընտանիքների, սոցիալապես անապահով այլ խավերի սոցիալական պայմանների բարելավման վերաբերյալ դիմումները Հայաստանի Հանրապետության Շիրակի մարզի Աշոցք համայնքի ավագանու կողմից քննարկվում են միայն Հայաստանի Հանրապետության Շիրակի մարզի Աշոցքի համայնքապետարանի մշտական գործող հանձնաժողովի կողմից կամավոր խնդիրների լուծմանն ուղղված սեփական լիազորությունների իրականացման եզրակացության և անհրաժեշտ ֆինանսական միջոցի հատկացման չափի և անհրաժեշտության հիմնավորման առկայության դեպքում:

16. Սոցիալապես անապահով ընտանիքներին հատկացվող մեկանգամյա սոցիալական օգնության առավելագույն չափը սահմանվում է՝ Հայաստանի Հանրապետության Շիրակի մարզի Աշոցք համայնքի ղեկավարի որոշմամբ մինչև 200000 Հայաստանի Հանրապետության /երկու հարյուր հազար/ դրամ, իսկ Հայաստանի Հանրապետության Շիրակի մարզի Աշոցք համայնքի ավագանու որոշմամբ մինչև 300000 Հայաստանի Հանրապետության /երեք հարյուր հազար/ դրամ: Նույն ընտանիքին տարվա ընթացքում սոցիալական օգնություն կարող է հատկացվել առավելագույնը 2 անգամ: Արգելվում է սոցիալական օգնության հատկացումը Հայաստանի Հանրապետության Շիրակի մարզի Աշոցք համայնքի բնակիչ չհանդիսացող անձանց, Հայաստանի Հանրապետության Շիրակի մարզի Աշոցք համայնքի ղեկավարի, Հայաստանի Հանրապետության Շիրակի մարզի Աշոցքի համայնքապետարանի աշխատակազմի աշխատակիցների ընտանիքի անդամներին և Հայաստանի Հանրապետության Շիրակի մարզի Աշոցք համայնքի ղեկավարի մերձավոր բարեկամներին (ծնող, քույր, եղբայր, երեխա):

17. Հաշվետու տարվա ընթացքում կամավոր խնդիրների լուծմանն ուղղված սեփական լիազորությունների իրականացման ընդհանուր գումարի սահմաններում մի կամավոր խնդիրների լուծմանն ուղղված սեփական լիազորությունների իրականացման նպատակով հատկացված գումարը կարող է Հայաստանի Հանրապետության Շիրակի մարզի Աշոցք համայնքի ավագանու որոշմամբ ուղղվել մեկ կամ մի քանի այլ կամավոր խնդիրների լուծմանն ուղղված սեփական լիազորությունների իրականացման համար՝ ելնելով տարվա ընթացքում իրադրության փոփոխություններից:

18. Հայաստանի Հանրապետության Շիրակի մարզի Աշոցք համայնքի ավագանու կողմից սույն կարգով չնախատեսված կարգով կամավոր խնդիրների լուծմանն ուղղված սեփական լիազորությունների իրականացումն արգելվում է:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՇԻՐԱԿԻ ՄԱՐԶԻ ԱՇՈՑՔ

ՀԱՄԱՅՆՔԻ ՂԵԿԱՎԱՐ՝



Կ. ՄԱՆՈՒԿՅԱՆ